



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-10704-1-1/2025

Datum: 28.05.2025.godine

Mjesto: Sarajevo

Na osnovu člana 70. stav (3), a u vezi sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo i Zapisnika o pregledu i ocjeni ponuda sa preporukom Komisije broj: 19734-1-1/2024 od 21.05.2025. godine, Uprava Društva na 30. (vanrednoj) sjednici, održanoj dana 28.05.2025. godine, donijela je

O D L U K U
o izboru najpovoljnijeg ponuđača

I

Ugovor za javnu nabavku roba – Monoblok točkovi za vučna vozila, sa uslugom kompletiranja osovinskih sklopova, dodjeljuje se grupi ponuđača TONELI d.o.o. Litija, Slovenija i METALKA TRADE d.o.o. Sarajevo u ukupnom iznosu od 617.700,00 Eura bez PDV-a, odnosno 722.709,00 Eura sa PDV-om, što iznosi 1.208.116,19 KM bez PDV-a, odnosno 1.413.495,94 KM sa PDV-om, u otvorenom postupku (sa dodatnom objavom na engleskom jeziku), tender broj: UD-19734-1/2024.

II

Ugovor se dodjeljuje na osnovu člana 64. stav (1) tačka a) Zakona o javnim nabavkama ("Službeni glasnik BiH", broj: 39/14, 59/22 i 50/24), tj. kriterija ekonomski najpovoljnije ponude.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-19690-1-13.2./2024 od 16.12.2024. godine odobrila pokretanje otvorenog postupka sa dodatnom objavom na engleskom jeziku za javnu nabavku roba – Monoblok točkovi za vučna vozila, sa uslugom kompletiranja osovinskih sklopova, tender broj: UD-19734-1/2024.

UIC 50

Bosna i Hercegovina

JP ŽFBH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

Rješenjem VD Predsjednika Uprave - Generalnog direktora broj: 1-19982-1/2024 od 18.12.2024. godine, imenovana je Komisija za nabavke (u daljem tekstu: Komisija) koja je provela postupak javne nabavke u sljedećem sastavu: Mahir Demir – predsjedavajući – službenik za JN, Malik Rizvanović - član, Edin Jusić - član, Amila Sulejmanović – zamjenik člana i Eldar Mašić - član. Za sekretara Komisije imenovana je Edina Karić.

Obavještenje o nabavci je objavljeno na portalu javnih nabavki dana 19.02.2025. godine pod brojem: 1050-1-1-30-3-27/25. Sažetak obavještenja o nabavci objavljen je u „Sl. glasniku BiH“ broj 12, od 28.02.2025. godine.

Na osnovu člana 63. Zakona o javnim nabavkama ("Službeni glasnik BiH", broj: 39/14, 59/22 i 50/24) (u daljem tekstu: Zakon), Komisija je dana 10.04.2025. godine u 9:00 sati, izvršila javno otvaranje ponuda, uz prisustvo predstavnika ponuđača: TŽV GREDELJ d.o.o. Zagreb – Tomislav Hasan i TONELI d.o.o. Litija, Slovenija – Safet Lučkin. Do roka određenog za prijem ponuda, blagovremeno su zaprimljene 2 (dvije) ponude i to:

1. Ponuda ponuđača TŽV GREDELJ d.o.o. Zagreb koji je ponudio sljedeće:

- Cijena: 594.204,84 Eura bez PDV-a, odnosno 1.162.163,65 KM sa PDV-om,
- Uslovi i način plaćanja: 30 dana od dana ispostavljanja fakture,
- Rok isporuke: 180 dana od dana ispostavljanja narudžbenice.

2. Ponuda grupe ponuđača: TONELI d.o.o. Litija, Slovenija i METALKA TRADE d.o.o. Sarajevo, koja je ponudila sljedeće:

- Cijena: 617.700,00 Eura bez PDV-a, odnosno 722.709,00 Eura sa PDV-om, odnosno 1.208.116,19 KM bez PDV-a, tj. 1.413.495,94 KM sa PDV-om,
- Uslovi i način plaćanja: 60 dana od dana ispostavljanja fakture,
- Rok isporuke: 210 dana od dana ispostavljanja narudžbenice.

Komisija je izvršila pregled i ocjenu pristiglih ponuda, te konstatuje sljedeće:

Ponuda ponuđača TŽV GREDELJ d.o.o. Zagreb je ocijenjena kao neprihvatljiva na osnovu člana 2. stav 1) tačka 1) pod 2) Zakona, iz sljedećeg razloga:

- Na 65. strani ponude, u potvrdi spiska izvršenih ugovora, izdatoj od ADRIA RAIL RENT u nazivu stoji „SREDNJI POPRAVAK LOKOMOTIVE DEL SERIJE 2044 I 2132“, što se ne odnosi konkretno na nabavku roba i uslugu kompletiranja osovinskih sklopova koja je predmet ovog postupka nabavke, čime se ne dokazuje traženo, te vrijednost izvršenih radova koja je navedena u potvrdi nije u skladu vrijednosti radova, ako je zaista Ponuđač izvršio nabavku monoblok točkova i uslugu kompletiranja osovinskih sklopova. Navedeno je suprotno tački 13.9. pod b) tenderske dokumentacije. Na stranama broj 66. i 67. Ponude, u potvrdama spiska izvršenih ugovora nije upisano mjesto izvršenja ugovora i navod o uredno izvršenim ugovorima, što je također suprotno tački 13.9. pod b) tenderske dokumentacije, a koja glasi: "Uz spisak izvršenih ugovora ponuđač je dužan za robu monoblok točkovi za vučna i vučena vozila sa uslugom kompletiranja osovinskih sklopova – Oznaka 34631100-0 – Monoblok točkovi i 50221300-3 - Usluge popravaka i održavanja osovinskih blokova dostaviti potvrde koje su izdali primaoci robe o uredno izvršenim ugovorima ponuđača, za sve ugovore koji su navedeni na spisku izvršenih ugovora, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takve potvrde iz objektivnih razloga ne mogu dobiti od ugovorne strane koja nije

ugovorni organ, važi izjava ponuđača o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju".

-Ponuđač u ponudi nije dostavio tehničke crteže za ponuđene robe koje su predmet nabavke, ovjerene od strane ponuđača i proizvođača, što je suprotno tački 13.9. pod h) tenderske dokumentacije, koja glasi: "*Ponuđač treba da dostavi tehničke crteže ponuđene robe ovjerene od strane ponuđača i proizvođača*".

- Ponuđač u svojoj ponudi nije dostavio važeću dozvolu/uvjerenje/certifikat/izjavu ili ekvivalentni dokument kojim dokazuje podobnost monoblok točka, odnosno osovinskog sklopa za lokomotive i putničke vagone, kao i osovinskog sklopa za teretne vagone, za korištenje na željeznicama, što je suprotno tački 13.9. pod l) tenderske dokumentacije, koja glasi: "U skladu sa propisima o sigurnosti željezničkog saobraćaja ponuđač ili proizvođač je dužan dostaviti važeću dozvolu/uvjerenje/certifikat/izjavu ili ekvivalentni dokument kojim dokazuje podobnost monoblok točka odnosno osovinskog sklopa za lokomotive i putničke vagone, kao i osovinskog sklopa za teretne vagone, za korištenje na željeznicama. Važeća dozvola/uvjerenje/certifikat/izjava ili ekvivalentni dokument mora biti izdat od nadležnog (certifikacionog) nacionalnog tijela za bezbjednost željezničkog saobraćaja u BiH (Regulatorni Odbor za željeznice BiH), ili tijela za bezbjednost željezničkog saobraćaja, države u kojoj je registrovan ponuđač ili proizvođač predmeta nabavke".

- Ponuđač nije dostavio svu traženu dokumentaciju zahtijevanu tačkom 13.4. a) tenderske dokumentacije, Izvještaj ili Potvrdu bankovne institucije iz Bosne i Hercegovine ili ekvivalentni dokument koji izdaje institucija zemlje iz koje ponuđač dolazi o svim transakcijskim računima ponuđača i Potvrda najmanje jedne poslovne banke iz Bosne i Hercegovine ili ekvivalentni dokument koji izdaje poslovna banka zemlje iz koje ponuđač dolazi kojom se dokazuje da transakcijski račun ponuđača nije bio blokiran u protekloj godini dana do dana izdavanja potvrde, te da je račun aktivan u momentu izdavanja potvrde. Ponuđač je dostavio potvrdu o transakcijskom računu Zagrebačke banke, obavijest o aktiviranju računa Privredne banke Zagreb i podatke o solventnosti od Privredne banke Zagreb, ali Izvještaj ili Potvrdu bankovne institucije zemlje iz koje ponuđač dolazi o svim transakcijskim računima ponuđača nije dostavio.

- Ponuđač ne ispunjava uslov propisan tačkom 13.9. pod d) pod rednim brojem 2 tenderske dokumentacije, a koji se odnosi na dostavljanje dokaza da su lica za koja se dostavljaju sertifikati o stručnoj osposobljenosti uposlena kod ponuđača. Naime, ponuđač nije dostavio dokaz da su oba lica za koja je dostavio sertifikate o stručnoj osposobljenosti uposlena kod njega, odnosno, dostavio je ugovor o radu samo za jednog uposlenika.

- U pondi je na više mjesta (odnosno dokumenata koji čine ponudu) naveden pogrešan broj tendera predmetne nabavke.

Ponuda se odbacuje u skladu sa članom 68. stav 4) pod i) Zakona, jer ista nije potpuna i ne ispunjava zahtjeve iz tenderske dokumentacije.

Ponuda grupe ponuđača: TONELI d.o.o. Litija, Slovenija i METALKA TRADE d.o.o. Sarajevo je ocijenjena kao prihvatljiva na osnovu člana 2. stav (1) tačka l) pod 1) Zakona, jer ponuđač ispunjava sve kriterije za izbor najpovoljnije ponude iz tenderske dokumentacije, te je ista u skladu sa tehničkom specifikacijom.

Cijeneći navedeno, Komisija je utvrdila da su ispunjeni zakonski uslovi za nastavak postupka nabavke i dodjelu ugovora, te u skladu sa članom 19. stav (1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo, daje p r e p o r u k u Upravi Društva za donošenje Odluke o izboru najpovoljnijeg ponuđača u postupku za javnu nabavku roba – Monoblok točkovi za vučna

vozila, sa uslugom kompletiranja osovinskih sklopova, tender broj: UD-19734-1/2024 i to grupi ponuđača TONELI d.o.o. Litija, Slovenija i METALKA TRADE d.o.o. Sarajevo, u ukupnom iznosu od 617.700,00 Eura bez PDV-a, odnosno 722.709,00 Eura sa PDV-om, odnosno 1.208.116,19 KM bez PDV-a, tj. 1.413.495,94 KM sa PDV-om, a u skladu sa članom 64. stav (1) tačka a) Zakona, tj. u skladu sa kriterijem ekonomski najpovoljnije ponude.

U skladu sa navedenim odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 10 (deset) dana od dana prijema iste, a u skladu sa članom 99. i 101. Zakona.

Dostaviti:

- Željeznički operator,
- Sektor za nabavke i prodaju x2,
- Sektor plana, analize i raspoređivanja prihoda,
- Ponuđačima/x2,
- Uz Zapisnik,
- a/a.

VD Predsjednika Uprave – Generalnog direktora



Mirza Hadžibegić, dipl.ecc.